

**PEMBERITAHUAN PERTANYAAN
DEWAN RAKYAT, MALAYSIA**

**DARIPADA : Y.B. DATUK RAIME BIN UNGGI
(TENOM)**
PERTANYAAN : BERTULIS

Y.B. DATUK RAIME BIN UNGGI [TENOM] minta **MENTERI KEWANGAN** menyatakan jumlah permohonan yang diterima bagi Skim Amanah Dana Anak Malaysia 2050 (ADAM50) mengikut negeri-negeri sejak dibuka untuk langganan pada 1 Januari 2018 dan apakah faedah yang bakal diperoleh anak-anak ini terutama dalam konteks pelaburan ekonomi.

JAWAPAN

Tuan Yang di-Pertua,

Untuk makluman Ahli Yang Berhormat, statistik pendaftaran bagi Skim Amanah Dana Anak Malaysia 2050 (ADAM50) mengikut negeri-negeri setakat 1 Mac 2018 adalah seperti berikut :

Negeri	Jumlah Pendaftaran
Johor	641
Kedah	398
Kelantan	470
Melaka	259
Negeri Sembilan	232
Pahang	380
Perak	331
Perlis	95
Pulau Pinang	219
Sabah	778
Sarawak	924
Selangor	1,024
Terengganu	324
Wilayah Persekutuan Kuala Lumpur	446
Wilayah Persekutuan Labuan	4
Wilayah Persekutuan Putrajaya	142
Jumlah Keseluruhan	6,667

Objektif utama program ADAM50 adalah untuk memupuk dan menggalakkan budaya pelaburan dan simpanan dalam kalangan rakyat Malaysia sejak dari awal usia melalui pemberian unit insentif percuma sebagai pelaburan permulaan. Ibu bapa juga digalakkan

48

untuk membuat pelaburan secara konsisten dan berkala bagi pihak anak mereka yang dijangka akan meningkatkan kadar simpanan isi rumah.

Selain itu, pelaburan dan pengagihan pendapatan terkumpul dalam jangka masa panjang hasil daripada program ADAM50 dijangka dapat memberi manfaat bagi tujuan dan keperluan masa depan anak-anak mereka. Seperti contoh, jika ibu bapa menambah RM50 setiap bulan bagi dana permulaan RM200 yang diberikan, berdasarkan andaian pulangan sebanyak 6% setahun, anak di bawah program ADAM50 akan menerima sebanyak RM19,574 apabila mereka mencapai umur 18 tahun.